



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-2-40-520-5/21**

Datum: **22.11.2021. god.**

„Agencija za vodno područje rijeke Save“ Sarajevo rješavajući po zahtjevu investitora „Balegem“ d.o.o. Gradačac za izdavanje vodne saglasnosti na projektnu dokumentaciju kojom je obuhvaćena aktivnost ispuštanja tehnoloških otpadnih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada pogona za proizvodnju asfalta- asfaltna baza sa pratećim objektima i sadržajima predviđenim za gradnju na zemljištu označenom kao k.č. 7/1, 7/2, i 7/4, K.O. Donje Ledenice, Grad Gradačac, na osnovu člana 114., a u vezi sa članom 139. stav (1) tačka 3. i 10. Zakona o vodama («Službene novine Federacije BiH, broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98 i 48/99), **donosi:**

R J E Š E N J E **o vodnoj saglasnosti**

1. Investitoru „Balegem“ d.o.o. Gradačac daje se vodna saglasnost na projektnu dokumentaciju kojom je obuhvaćena aktivnost ispuštanja tehnoloških otpadnih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada pogona za proizvodnju asfalta- asfaltna baza sa pratećim objektima i sadržajima predviđenih za gradnju na zemljištu označenom kao k.č. 7/1, 7/2, i 7/4, K.O. Donje Ledenice, Grad Gradačac:

- Glavni projekat prikupljanja, tretmana i odvođenja otpadnih voda sa lokaliteta poslovnog objekta- asfaltne baze u Gradačcu, reg. br. 10-81/18, broj protokola:2734/18, august 2018. godine urađen od strane „TQM“ d.o.o. Lukavac

Ova vodna saglasnost može se koristiti isključivo u postupku pribavljanja odobrenja za građenje u skladu sa Zakonom o građenju.

2. Vodna saglasnost se daje na osnovu utvrđenog činjeničnog stanja i pregleda investiciono tehničke dokumentacije iz tačke 1. ovog Rješenja koja je sastavni dio ovog rješenja i ista se ovjerena od strane ove Agencije u skladu sa odredbama člana 114. stav (3) Zakona o vodama vraća investitoru na trajno čuvanje.

3. Ova saglasnost ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa a sve u skladu sa važećim zakonskim propisima, odlukama i sl.

4. Vodna saglasnost se donosi na osnovu pregleda dostavljene projektne dokumentacije iz tačke 1. ovog Rješenja, druge dokumentacije, utvrđenog činjeničnog stanja i pod sljedećim uslovima:

4.1. Radove na izgradnji objekata za prikupljanje, prečišćavanje i ispuštanje tehnoloških otpadnih voda sa platoa za pretovar asfalta, platoa za pranje mehanizacije, pretakališta nafte i naftnih derivata, pretakališta i skladišta bitumena, oborinskih voda sa platoa za skladištenje frakcija agregata, čistih oborinskih voda sa krovova te sanitarnih otpadnih voda izvesti u skladu sa ovjerenom projektnom dokumentacijom, navedenoj u tački 1. dispozitiva ovog Rješenja. 4.2. Nakon izvođenja radova sistema odvodnje i prečišćavanja tehnoloških otpadnih voda potrebno je izvršiti ispitivanja kvaliteta izvedenih radova na vodonepropusnost i bezbjednost od curenja, a u cilju zaštite površinskih i podzemnih voda.

4.3. Na odvodnom cjevovodu, neposredno iza separatora ulja i masti izvesti posebno reviziono okno koje će služiti kao okno za uzimanje uzoraka (monitoring okno).

- 4.4. Obezbiјediti da kvalitet prečišćene otpadne vode prije ispuštanja iste u prijemnik- otvoreni kanal za odvodnju oborinskih voda sa putnog pojasa da bude u skladu sa odredbama Uredbe o uslovima ispuštanja otpadnih voda u okoliš i sisteme javne kanalizacije („Sl. novine Federacije BiH“, br. 26/20, 96/20).
- 4.5. U toku izvođenja radova, neophodno je poduzeti sve potrebne mjere zaštite, da predmetnim aktivnostima ne dođe do nastanka štete ili nepovoljnih posljedica po vode i vodni režim.
- 4.6. Prilikom izvođenja radova treba koristiti opremu i mašine koje su tehnički ispravne, bez curenja tečnih goriva, maziva, hidrauličkih ulja i sl.
- 4.7. Predvidjeti da se sav nastali otpad prikuplja u skladu sa važećim propisima o postupanju sa otpadom.
- 4.8. Manipulativnu površinu potrebno je izvesti sa odgovarajućim nagibima i pripadajućim slivnicima.
- 4.9. Sve kolizije sa postojećim instalacijama (elektroenergetske, telefonske, kanalizacije, i ostale infrastrukture) na lokaciji, ukoliko do takvih situacija tokom izvođenja radova dođe, će se rješavati uz saglasnost mjesnog nadležnog preduzeća, koje će dati tehničke uslove za izvođenje ovih radova.
- 4.10. Planom organizacije gradilišta koje će se formirati u funkciji provođenja navedenih radova, treba osigurati da mjesta za smještaj građevinske mehanizacije, tečnih goriva i maziva budu locirana na takvoj udaljenosti da ne mogu imati negativan uticaj na podzemne i površinske vode.
- 4.11. Ukoliko se cisterne i rezervoari s gorivom planiraju postaviti na gradilištu, iste je potrebno postaviti u prihvatne posude ili izvesti s dvostrukom stjenkom prema posebnim propisima i izvan zone uticaja na površinske i podzemne vode.
- 4.12. U okviru gradilišta riješiti prikupljanje i konačnu dispoziciju sanitarno-fekalnih otpadnih voda u skladu sa uslovima koje će propisati u rješenju o vodnoj saglasnosti nadležno Ministarstvo poljoprivrede, šumarstva i vodoprivrede Tuzlanskog kantona.
- 4.13. U sklopu uređenja gradilišta dati organizaciju izvođenja radova uz opis i instrukcije u slučaju pojave incidentnih situacija i način sanacije njihovih negativnih posljedica.
- 4.14. Višak materijala iz iskopa koji će se pojaviti prilikom izvođenja zemljanih radova, a koji ne bude iskorišten za radove na izgradnji objekata, potrebno je odložiti na deponiju izvan vodnog dobra, a sve u skladu sa uputama Investitora, tj. korisnika ove vodne saglasnosti.
- 4.15. Podnosilac zahtjeva je obavezan ispoštovati uslove iz Rješenja o urbanističkoj saglasnosti, broj:12-04/1-19-024428/20 od 08.10.2020. godine izdato od strane Ministarstva prostornog uređenja i zaštite okolice Tuzlanskog kantona i Rješenja o okolinskoj dozvoli, broj: UPI 05/2-23-11-204/117SN od 04.04.2018. godine izdato od strane Federalnog ministarstva okoliša i turizma.
- 4.16. Ukoliko u toku realizacije na izgradnji projektovanih objekata i sadržaja na terenu dođe do odstupanja (u odnosu na projekat iz tačke 1. ovog Rješenja) tada je Investitor u obavezi da uradi (inovira) projektnu dokumentaciju tj. uradi projekat izvedenog stanja – hidro fazu.
5. Ukoliko se u toku izvođenja radova i korištenja predmetnog objekta prouzrokuju štetne promjene režima voda i to prouzrokuje štete trećim licima, podnosilac zahtjeva je obavezan otkloniti nastale štete, a procijenjenu štetu nadoknaditi.
6. Vlasnik, odnosno korisnik objekta nema pravo na naknadu eventualnih šteta prouzrokovanih plavljenjem i iste padaju na njegov teret u skladu sa Zakonom o vodama.
7. Investitor je obavezan pridržavati se svih mjera i uslova, propisanih u ovoj vodnoj saglasnosti i saglasnostima izdatim od strane drugih nadležnih organa.
8. Po završetku izgradnje predmetnih objekata i obavljenog tehničkog pregleda izvedenih radova, korisnik vodne saglasnosti dužan je podnijeti zahtjev za izdavanje vodne dozvole. Zahtjev se dostavlja u skladu sa članom 12. i 19. Pravilnika o sadržaju, obliku, uslovima, načinu izdavanja i čuvanja vodnih akata („Sl.novine FBiH“ broj: 31/15, 55/19, 41/20).
9. Ova vodna saglasnost prestaje važiti istekom roka od dvije godine od donošenja ovog rješenja, ukoliko u tom periodu ne bude pribavljeno odobrenje za gradnju i započeta izgradnja objekata u skladu sa glavnim projektom iz tačke 1. dispozitiva ovog rješenja.

10. Ovo Rješenje o vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Od strane investitora „Balegem“ d.o.o. Gradačac podnesen je ovoj Agenciji dana 27.10.2021. godine zahtjev za izdavanje vodne saglasnosti na projektnu dokumentaciju kojom je obuhvaćena aktivnost ispuštanja tehnoloških otpadnih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada pogona za proizvodnju asfalta- asfaltna baza sa pratećim objektima i sadržajima predviđenih za gradnju na zemljištu označenom kao k.č. 7/1, 7/2, i 7/4, K.O. Donje Ledenice, Grad Gradačac.

Uz zahtjev je dostavljena slijedeća dokumentacija:

A. Opća dokumentacija

- Rješenje o izmjenama podataka, broj:032-0-Reg-19-001122 od 21.08.2019. godine izdato od strane Općinskog suda u Tuzli – ovjerena kopija,
- Obavještenje o razvrstavanju pravnog lica prema klasifikaciji djelatnosti, broj:07-32.5-27156/16 od 03.11.2016. godine izdato od strane Službe za statistiku za područje Tuzlanskog kantona – ovjerena kopija,
- Uvjerjenje o registraciji/upisu u Jedinствeni registar obveznika indirektnih poreza, broj:04/I-UPP/1-8810/07 od 01.08.2007. godine izdato od strane Uprave za indirektno oporezivanje Banja Luka - ovjerena kopija,
- Uvjerjenje o poreznoj registraciji od 03.11.2016. godine izdato od strane Kantonalnog poreznog ureda u Tuzli - ovjerena kopija,
- Izvod iz posjedovnog lista broj 983, broj:05-26-5990/21-2 od 10.11.2021. godine izdat od strane Gradske službe za geodetske i imovinsko-pravne poslove - ovjerena kopija,
- Punomoć podnosioca zahtjeva, broj: 4-2-201/21 od 01.10.2021. godine,
- Rješenje o okolinskoj dozvoli, broj:UP-I 05/2-23-11-204/17SN od 04.04.2018. godine izdato od strane Federalnog ministarstva okoliša i turizma – ovjerena kopija,
- Rješenje o urbanističkoj saglasnosti, broj:12-04/1-19-024428/20 od 08.10.2020. godine izdato od strane Ministarstva prostornog uređenja i zaštite okolice Tuzlanskog kantona – kopija,
- Rješenje o vodnoj saglasnosti, broj:UP-I/25-2-40-545-5/18 od 07.03.2019. godine izdata od strane Agencije za vodno područje rijeke Save, Sarajevo – kopija,
- Situacija sa ucrtanim položajem objekata, broj:12-04/1-19-024428/20 od 08.10.2020. godine izdata od strane Ministarstva prostornog uređenja i zaštite okolice Tuzlanskog kantona – ovjerena kopija,
- Izjava, broj:4-2-201/21 od 10.11.2021. godine izdata od strane „Balegem“ d.o.o. Gradačac,
- Dokaz o uplaćenju upravnoj pristojbi na zahtjev

B. Tehnička dokumentacija

- Glavni projekat prikupljanja, tretmana i odvođenja otpadnih voda sa lokaliteta poslovnog objekta- asfaltne baze u Gradačcu, reg. br. 10-81/18, broj protokola:2734/18, august 2018. godine urađen od strane „TQM“ d.o.o. Lukavac

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari. U provedenom postupku konstatovano je sljedeće:

- Parcela na kojoj je predviđena gradnja asfaltne baze sa svim sadržajima nalazi se u naselju Donje Ledenice, Grad Gradačac, sa desne strane lokalnog puta u Donjim Ledenicama. Predmetne parcele čini katastarske čestice označene kao k.č. 7/1, 7/2, i 7/4, a koje pripadaju katastarskoj općini K.O. Donje Ledenice, pod nazivom "Bara", sa ukupnom površinom $P=14.714,00 \text{ m}^2$. Kapacitet asfaltne baze iznosi 120 t/h., tip AMMANN MEA 120-5/6.
- Oborinske vode će se prikupljati sistemom slivnika sa rešetkom i upuštati u kanal zagađene oborinske kanalizacije. Projektnom dokumentacijom je predviđeno prečišćavanje otpadnih voda

na AB taložniku sa tri komore, korisne zapremine $V=6,0 \text{ m}^3$, po jednoj komori, odnosno ukupne zapremine $V=18,00 \text{ m}^3$. Nakon predtremana projektovano je da se voda odvodi do uređaja za tretman tj. na separatoru ulja i masti sa koalescentnim filterom, tip: Aquareg NG 15 l/s.

➤ Nakon separatora predviđena je izgradnja šahta za monitoring. Konceptom je predviđeno da nakon tretmana i šahta za monitoring ove vode se ispuštaju recipijent – otvoreni kanal za odvodnju oborinskih voda sa putnog pojasa.

Uvidom u sadržaj projektne dokumentacije i druge dokumentacije koja je dostavljena uz zahtjev za izdavanje Rješenja o vodnoj saglasnosti možemo konstatovati da je Investitoru u prethodnom periodu izdato Rješenje o vodnoj saglasnosti, broj:UP-I/25-2-40-545-5/18 od 07.03.2019. godine. Investitor je u postupku ishodovanja odobrenje za građenje.

U dokaznom postupku utvrđeno je da projektna dokumentacija urađena u skladu sa uslovima iz Rješenja o prethodnoj vodnoj saglasnosti, broj:UP-I/25-1-40-601-3/17 od 23.10.2017. godine izdatog od strane Agencije za vodno područje rijeke Save, Sarajevo, te je shodno članu 114. Zakona o vodama, upisivanjem broja i stavljanjem otiska pečata ove Agencije na projektnu dokumentaciju iz tačke 1. dispozitiva ovog Rješenja data vodna saglasnost na istu.

Na osnovu utvrđenog činjeničnog stanja, a u cilju smanjenja negativnih uticaja predmetne gradnje na stanje voda i vodni režim, podnosiocu zahtjeva su ovom vodnom saglasnosti, u dispozitivu ovog rješenja, propisani uslovi koje je potrebno ispuniti tokom izvođenja radova, shodno odredbama člana 114. Zakona o vodama i člana 7. Pravilnika o sadržaju, obliku, uslovima, načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije.

Ukoliko u toku realizacije projektovanih aktivnosti na terenu dođe do odstupanja u odnosu na projektnu dokumentaciju na koje se izdaje ovo Rješenje, tada je Investitor u obavezi da uradi (inovira) projektnu dokumentaciju izvedenog stanja – hidro fazu.

Na osnovu naprijed navedenog, a u skladu s članom 114. Zakona o vodama («Službene novine Federacije BiH, broj 70/06) i člana 7. Pravilnika o sadržaju, obliku, uvjetima, načinu izdavanja i čuvanja vodnih akata, riješeno je kao u dispozitivu rješenja.

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.


Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Voditelj postupka:

mr. sci. Selma Merdan, dipl.inž.geol.

Prilog: (Tehnička dokumentacija navedena pod tačkom B obrazloženja Rješenja).

Po ovlaštenju
Rukovodilac Sektora za izdavanje vodnih akata


Haris Ališehović, dipl.ing.građ.

Dostaviti:

- „Balegem“ d.o.o.

UI. VI bataljona bb 76250 Gradačac, (sa prilogom),

AVP Sava, ISV-vodna knjiga,

- sektor 40 – arhiva

- Oglasna tabla AVP Sava-Sarajevo